



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o dopuni Kalendara obilježavanja datuma i događaja značajnih za Grad Sarajevo
(Prijedlog)

Predlagač: Gradonačelnica
Obradivač: Stručna služba za poslove kabineta
i poslove Gradske uprave

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, br. 10/14, 26/18, 31/20, 45/21, 11/22 i 28/22), Gradsko vijeće Grada Sarajeva, na __. sjednici održanoj __. __. 2022. godine, donijelo je

(Prijedlog)

**Odluku
o dopuni Kalendara obilježavanja datuma i događaja značajnih za Grad Sarajevo**

**Član 1.
(Predmet)**

Ovom odlukom utvrđuje se dopuna Kalendara obilježavanja datuma i događaja značajnih za Grad Sarajevo (u daljnjem tekstu: Kalendar) koji je sastavni dio Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, br. 10/14, 26/18, 31/20, 45/21, 11/22 i 28/22).

**Član 2.
(Dopuna Poglavlja I Kalendara)**

Dopuna Kalendara vrši se na način da se Kalendar dopunjava u Poglavlju I, iza tačke 10a. dodaje nova tačka 10b. koja glasi „Odbrana Bosne i Hercegovine – Igman“, Dan obilježavanja: 01.-10.08., Nosilac obilježavanja: JU „Fond Memorijala Kantona Sarajevo“ i Stručna služba za protokolarne poslove, osnose sa javnošću i međunarodnu saradnju – Odjeljenje za protokolarne poslove, Način obilježavanja: Prema programu nosioca obilježavanja.“

**Član 3.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje odluke sadržan je u članu 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće donosi odluke, druge propise i opće akte, a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, br. 10/14, 26/18, 31/20, 45/21, 11/22 i 28/22) kojim je, između ostalog, propisano da je Kalendar obilježavanja datuma i događaja značajnih za Grad Sarajevo sastavni dio ove odluke.

RAZLOZI DONOŠENJA

JU „Fond Memorijala Kantona Sarajevo“ obratila se gradonačelnici Grada Sarajeva sa Inicijativom za uvrštavanje manifestacije „Odbrana Bosne i Hercegovine – Igman“ u Kalendar obilježavanja datuma i događaja značajnih za Grad Sarajevo.

Tradicionalna manifestacija „Odbrana Bosne i Hercegovine – Igman“ predstavlja svojevrsnu kulturološku patriotsku platformu koja je svoje prvo izdanje imala 2000. godine. Navedena manifestacija predstavlja njegovanje kulture sjećanja na period agresije na Republiku Bosnu i Hercegovinu te borbe ovdašnjeg(ih) naroda za opstojnost države Bosne i Hercegovine. Njena posebno bitna dimenzija jeste očuvanje spomena na sve šehide i poginule borce, pripadnike Armije i MUP-a Republike Bosne i Hercegovine.

Manifestacija se načelno održava u periodu od jula do novembra, a njen Centralni dio u prvoj trećini mjeseca augusta, i to na prostorima planine Igman te na lokacijama: Memorijalni centar Kovači, Most Suade i Olge, spomenik Ubijene djece opkoljenog Sarajeva, Vječna vatra, mjesto stradanja civila Ferhadija, na prostoru Spomeničkog kompleksa Tunel D-B, kao i u drugim Kantonima.

Uzimajući u obzir naprijed navedeno, kao i činjenicu da se većina dešavanja manifestacije održava na prostoru grada Sarajeva, te da je Gradska uprava na čelu sa gradonačelnicom svih prethodnih godina član Organizacionog odbora manifestacije, gradonačelnica Grada Sarajeva je stanovišta da se navedena manifestacija treba uvrstiti u Kalendar obilježavanja datuma i događaja značajnih za Grad Sarajevo.

Obzirom na prednje navedeno, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.